

ՏՐԴԱՏ III-Ի ՁԻՆՎՈՐԱԿԱՆ ՌԵՖՈՐՄԸ

Իրավ. գիտ. դոկտոր Ա. Մ. ԴԱՆԻԵԼՅԱՆ

Հին հայկական պետության սրետական-վարչական կառուցվածքում և զինվորական կազմակերպության բնագավառում Տրդատ III-ի (298—330) իրականացրած լուրջ բարեփոխությունները մինչև օրս գիտական հատուկ ուսումնասիրության առարկա չեն դարձել: Մինչդեռ դրանց հետևանքով առաջացած նոր երևույթների ուսումնասիրությունը կարևոր նշանակություն ունի հին Հայաստանի պատմության վերջին շրջանը հասկանալու համար: Ստորև մենք կանգ կառնենք զինվորական կազմակերպության բնագավառում Տրդատ III-ի իրականացրած այն բարեփոխությունների վրա, որոնց ամբողջությունը, մեր կարծիքով, իրենից ներկայացնում էր զինվորական ռեֆորմ: Եվ քանի որ նման մի ռեֆորմի առկայությունը մեր պատմագրության մեջ քննարկվում է առաջին անգամ, մենք, բնականաբար, հեռու ենք այն մտքից, թե մի հոգևածում հնարավոր է տալ առաջ քաշված պրոբլեմի սպառիչ լուսաբանումն ու հիմնավորումը: Կատարելով սկզբնաղբյուրների հիմնական փաստերի նախնական վերլուծությունը, մենք համոզված ենք, որ Տրդատ III-ի զինվորական ռեֆորմի հարցը դեռևս կարոտ է խոր և բազմակողմանի ուսումնասիրության:

Նկատի ունենալով, որ աղբյուրների տվյալների համաձայն Տրդատ III-ի զինվորական ռեֆորմը իրականացվել է «ըստ սահմանի կայսերացն յունաց», նպատակահարմար է նախապես համառոտակի կանգ առնել Դիոկլետիանոս (284—305) և Կոստանդինոս (306—337) կայսրերի ժամանակաշրջանում Հռոմեական կայսրության զինվորական կառուցվածքում տեղի ունեցած փոփոխությունների վրա:

Հռոմեական կայսրությունը III—IV դդ. գտնվում էր խոր ճգնաժամի մեջ. որն ընդգրկել էր հասարակական կյանքի բոլոր կողմերը: Ժողովուրդը հյուծվում էր անզուսպ կեղեքումներից: Երկրի տարբեր մասերում ծավալվում էին ստրուկների և կոլոնների շարժումներն ընդգեմ կայսրության, որ դարձել էր նրանց ռիսերիմ թշնամին: Խիստ վատթարացել էր կայսրության արտաքին դրությունը, հյուսիսային ժողովուրդների դեմ մղվող երկարատև պատերազմները ուժասպառ էին արել պետությունը, թուլացրել նրա ներքին միասնությունը: Հաճախակի կրկնվող պալատական հեղաշրջումները, կենտրոնական իշխանության անցումը զինվորականների մի խմբից մյուսին՝ ծայր աստիճան անկայուն էին դարձրել երկրի ներքին կազմը:

Այդպիսին էր, ընդհանուր գծերով, Հռոմեական կայսրության վիճակը. երբ իշխանության ղեկի անցավ Դիոկլետիանոսը, իսկ նրանից հետո՝ Կոստանդինոսը, որոնք մի շարք լուրջ վերափոխումներ իրականացրեցին: Տիրապետող դասակարգը փորձում էր պետական իշխանության ծայրաստիճան կենտրոնացումով և զինվորական իշխանության ուժեղացումով

կասեցնել կայսրության անկումը: Այդ բանը նրան որոշ շափով հաջողվեց միայն կայսրության արեւելյան մասում՝ Բյուզանդիայում: Այստեղ է, որ IV դարում ավարտվում է հռոմեական պետության՝ բացարձակ միապետության փոխակերպման պրոցեսը: Այն քաղաքական կարգը, որ ստեղծվեց Դիոկլետիանոսի օրոք, սովորաբար անվանում են դոմինատ (dominus, տանուտերություն): Նոր կարգի համաձայն կայսրության բոլոր խավերը գիտվում էին իբրև կայսրի հպատակներ (subiecti) կամ ծառաներ: Կայսրը համարվում էր աստվածության մարմնավորում: Նրա իշխանությունը օրենքով սահմանափակված չէր, ամբողջ օրենսդրական իշխանությունը կենտրոնացած էր նրա ձեռքում:

Դիոկլետիանոսը իրականացրեց երկրի վարչա-տերիտորիալ նոր բաժանում. կայսրությունը նա բաժանեց 12 դիոցեզների, որոնք իրենց հերթին արոճվում էին պրովինցիաների: Բաժանելով երկիրը համեմատաբար մանր վարչական միավորների, Դիոկլետիանոսը նպատակ ուներ սահմանափակել տեղական իշխանությունների ինքնուրույնությունը, թուլացնել նրանց ուժը, միաժամանակ ուժեղացնելով կենտրոնական իշխանության հսկողությունը այդ օրգանների վրա և այսպիսով ապահովել կայսրության ներքին միասնությունը: Նոր կայսրը մեծ ուշադրություն դարձրեց բանակի հզորացման վրա: Կայսրության սահմանները պաշտպանելու և պետության ներքին միասնությունը ապահովելու նպատակով նա ստեղծեց երկու տեսակ զորամասեր. 1) սահմանապահ զորամասեր, որոնք տեղավորված էին կայսրության արեւելյան, արեւմտյան, հյուսիսային ու հարավային սահմանամերձ շրջաններում և կոչված էին պաշտպանելու պետության սահմանները արտաքին ներխուժումներից, և 2) պալատական (շաւթուն) զորամասեր, որոնք տեղավորված էին կայսրության կենտրոնական շրջաններում և անհրաժեշտության դեպքում կարող էին արագ կերպով փոխադրվել մի վայրից մյուսը: Միաժամանակ մի շարք միջոցառումներ իրականացվեցին բանակի համալրման և զորավարների ինքնուրույնությունը սահմանափակելու ուղղությամբ:

Դիոկլետիանոսի գործը շարունակեց Կոստանդինոս կայսրը: Վերջինս հռոմեական կայսրությունը բաժանեց չորս պրեֆեկտուրաների (Արեւելք, Իլլիրիա, Դալիա և Իտալիա), որոնցից յուրաքանչյուրը ընդգրկում էր որոշակի քանակով դիոցեզներ և պրովինցիաներ: Պրեֆեկտուրաները գլխավորում էին praefectus praetoria-ները, դիոցեզները՝ vicarius-ները, իսկ պրովինցիաները՝ rector-ները: Այսպիսով ստեղծվեց տեղական իշխանությունների խիստ կենտրոնացված կարգ, ըստ որում բոլոր պաշտոնատար անձինք միմյանց հետ կապված էին ստորադրելիության հարաբերություններով: Նկատի ունենալով, որ պրեֆեկտների իշխանությունը տարածվում էր բավական մեծ տերիտորիայի վրա և որ քաղաքացիական ու զինվորական իշխանության կենտրոնացումը նրանց ձեռքում մեծ վտանգ էր ներկայացնում կայսրության միասնությունը ապահովելու տեսակետից, Կոստանդինոսը զինվորական իշխանությունը անջատեց քաղաքացիականից, պրեֆեկտների, դիոցեզների ու պրովինցիայի կառավարիչների ձեռքում թողնվեց միայն քաղաքացիական իշխանությունը, իսկ զինվորական իշխանությունը հանձնվեց չորս զորավարների (magistri militum), որոնց իշխանությունը տարածվում էր տեղական զինվորական հրամանատարների (կոմսերի և դուքսերի) վրա: Այսպիսով, Կոս-

տանդինոս կայսեր օրոք ավարտվում է Դիոկլետիանոսի սկսած զինվորական ունեցումը¹:

Հայկական սկզբնաղբյուրների տվյալների համաձայն, Տրդատ III-ը, հետևելով Հռոմեական կայսրության օրինակին, վերափոխման է ենթարկում Հայաստանի պետական, վարչական կառուցվածքը և զինվորական կազմակերպությունը:

Ինչպես երևում է այդ աղբյուրներից, մինչև Տրդատ III-ի գահակալությունը և նրա գահակալության սկզբնական շրջանում Հայաստանի բանակի զերագույն հրամանատարը համարվում էր սպարապետը²: Հայրական գահը ստանալուց հետո, պատմում է հորենացին, Տրդատ III-ը իր դայակորդուն՝ Արտավազդ Մանդակունուն, նշանակում է հայկական զորքերի սպարապետ՝ «վասն լինելոյ նորա նմա պատճառ փրկութեան և հայրենականացն հասնելոց փառաց»³: Արտավազդ Մանդակունին սպանվում է Աղվանքում տեղի ունեցած հակառակորդի Պատերազմը հաղթանակով ավարտելուց հետո Տրդատ III-ը մեծ զորքով դիմում է պարսից աշխարհ, «չոքս յիւրոցն առնելով զօրաւաքս, զՄիհրան առաջնորդ վրաց... և զԲագարատ ասպետ և զՄանածիհր նահապետ ազգին Ռշտունեաց և զՎահան նահապետ Ամատունեաց»⁴:

Խորենացու այս խոսքերից երևում է, որ Արտավազդ Մանդակունու մահից հետո Տրդատ III-ը հայկական բանակի հրամանատարությունը բաժանում է չորս զորավարների միջև, դրանով իսկ վերացնելով նախկինում գոյություն ունեցող սպարապետությունը: Այդ ունեցումով նա հավանաբար ցանկացել է ստեղծել մշտական գործող սահմանապահ զորամասեր: Բացի դրանից, պետք է ենթադրել, որ, Տրդատի կարծիքով, բանակի հրամանատարության կենտրոնացումը մի մարդու ձեռքում վտանգավոր էր:

Արժանի է ուշադրության խորենացու մի այլ վկայությունը: Նա պատմում է, որ Տրդատ III-ի մահից հետո Վրթանես եպիսկոպոսապետը նախարարների հետ միասին դիմում է Հռոմեական Կոստանդ կայսրին, խնդրելով զորքով

1 Նույն կարգի ունեցում, ինչպես ցույց է տվել Ն. Ազոնցը, տեղի է ունեցել Սասանյան Պարսկաստանում: Թեպետ այդ ունեցումի ժամանակը վերջնականապես ղեկս չի ձևավորվում, բայց սկզբնաղբյուրների տվյալներից երևում է, որ այստեղ թագավորությունը նույնպես բաժանված էր չորս երկրամասերի կամ քուստակների, որոնց կառավարումը հանձնված էր պաշտպանների ձեռքը: Քուստակները իրենց հերթին բաժանվում էին մարզերի՝ մարզպանների գլխավորությամբ, իսկ մարզերը տրոհվում էին ավելի մանր վարչական միավորումների: Ըստ արաբական պատմիչ Տարարիի վկայության, Խոսրով Անուշիրվանի ժամանակ տեղի է ունենում զինվորական իշխանության անջատումը քաղաքացիականից: Մինչև նրա թագավորումը սպահերի, այսինքն թագավորության գլխավոր զորավարի պաշտոնը վարել է մի մարդ, իսկ Խոսրովը ստեղծում է չորս պաշտոն՝ Արևելքի սպահերի, Արևմուտքի սպահերի, Նիմրազի (այսինքն՝ Սմենի) սպահերի և Աղարբայգանի սպահերի (տե՛ս Н. А. Д о н и ч, Армения в эпоху Юстиниана, СПб, 1908, էջ 214—217):

2 Սպարապետությունը, գրում է Ս. Տ. Երեմյանը, «ավելի ուշ է առաջացել: Նախապես, հավանաբար, սպարապետի ֆունկցիաները պատկանում էին հաղարապետին, իսկ պաշտոնապես զերագույն զորավար էր համարվում ինքը՝ թագավորը: Սպարապետության գործակալությունը առաջ է եկել ըստ երևույթին հայոց Վաղարշ Բ թագավորի (186—198) ժամանակ: Այս Սեպուխուն Սեվերոս կայսեր (193—211) ժամանակն էր, երբ Հայաստանի ռազմական կազմակերպությունը արմատական փոփոխության ենթարկվեց» (տե՛ս «Հայ մոդուլդի պատմություն» հատ. 1, Երևան, 1971, էջ 834):

3 Մ ո վ ս ս և Խ ո Ր Ե Ն Ա Յ Ի, Պատմության Հայոց, Թիֆլիս, 1913, գիրք 2, գլ. 28, էջ 224:

4 Նույն տեղում, գլ. 28, էջ 231 (ընդգծումը մերն է — Ա. Դ.):

օգնել Տրդատ III-ի որդի խոսրովին թագավորեցնելու համար: «Այսմ լսող եղևալ Կոստանդեայ, առաքեաց զԱնտիոքոս յարդարիչ իրոյ պալատանն զօրոժանու, և ծիրանիս հանդերձ պսակաւ»: Գալով Հայաստան՝ «Անտիոքոս թագաւորեցոյց զխոսրով, և գշուեսին սպարապետսն մատոյց ի նոյն իշխանութիւն զօրո, զորս կացուցեալ էր Տրդատայ յիւրում կենդանութեանն՝ յետ մեռնելոյ զալեկին իւրում Արտավազդայ Մանդակունոյ, որ միազլիապետ էր և ամենայն ինչ զօրավար: Առաջին՝ Բագրատ ասպետ, զօրավար արեմտեայ գնդին. երկրորդ՝ Միհրան առաջնորդ Վրաց և բղեշխ Բուզարացոց, սպարապետ հիւսիսային զօրուն. երրորդ՝ Վահան նահապետ Ամատունեաց արեւելեան գնդան և զգաղատացի զօրս ընդ նմա՝ առաքեաց զկողմամբք Ատրպատականի, ունի պահ յարքայէն Պարսից»⁵:

Այս վկայության մեջ, ինչպես տեսնում ենք, խորենացին կրկին անգամ հիշատակում է, որ Արտավազ Մանդակունու մահից հետո Տրդատ III-ը հայկական բանակի հրամանատարությունը բաժանում է չորս սահմանապահ զորավարների կամ սպարապետների միջև. ըստ որում խորենացու մոտ խոսքը վերաբերում է Ագաթանգեղոսի ու Փավստոսի մոտ հիշատակված բղեշխներին, զահերեց կամ մեծ իշխաններին. «...Եւ ի զինուորական կողմանէն՝ զչորեսին զահերեցսն իւրոյ տաճարին, որ բղեշխն կոչեն զառաջին սահմանակալն ի նոր Շիրական կողմանէն, և երկրորդ սահմանակալն յԱսորեստանեաց կողմանէն, և զերրորդ՝ յԱրուստան կողմանէն, և զչորրորդ՝ ի Մասքութեաց կողմանէն»⁶:

Ագաթանգեղոսի ու Փավստոսի⁸ մոտ մենք չենք գտնում այն մանրամասնությունները, որ կան խորենացու երկում, բայց ինչպես Ագաթանգեղոսն ու Փավստոսը, այնպես էլ խորենացին խոսում են նույն պետական-զինվորական հաստատությունների մասին: Այդ պատմիչների հաղորդած տեղեկությունների մեջ կա միայն այն տարբերությունը, որ խորենացու մոտ դրանք կոչվում են սպարապետներ, իսկ Ագաթանգեղոսի ու Փավստոսի մոտ՝ զահերեց կամ մեծ իշխաններ: Բայց դա լոկ ձևական տարբերություն է, բանի որ այդ վերջինները նույնպես բարձրագույն զինվորական հաստատության զորավարի անվանակոչումն են:

Բղեշխների մասին որոշ, բայց շատ կցկտուր տեղեկություններ կան Զենոր Բյակի մոտ⁹:

Տրդատի զինվորական ուսուցիչի և բղեշխությունների ստեղծման մասին հետաքրքիր և ուշադրավ տեղեկություններ կան մեր միջնադարյան պատմիչ-

5 նույն տեղում, գիրք 3, գլ. Ե, էջ 257—258:

6 նույն տեղում, գլ. 9, էջ 258—259 (բնագծումը մերն է— Ա. Դ.):

7 «Ագաթանգեղայ Պատմություն հայոց», Թիֆլիս, 1914, էջ 140:

8 Փավստոսը մի բանի անգամ էլ գրում բղեշխների կամ մեծ իշխանների մասին. օրինակ՝ «Գայնու ժամանակաւ Եսոստամբեաց յարքայէն Հայոց մի ի ծառայից նորա մեծ իշխան Ագանեաց, որ անուանեալ կոչէր բղեշխն. որ էր մի ի չորից զահերեց բարձրեց տաճարին արքունի» (տե՛ս «Փավստոսի Բուզանդացոյ Պատմութիւն Հայոց», Մ. Պետերբուրգ, 1883, գլուխ Գ, գլ. Ե, էջ 18, գլուխ Դ, գլ. Մ, էջ 135):

9 «Եւ զրեաց ինքն թագաւորն (Տրդատ) և զահերեց իշխանքն չորեսին յեղիադար նիւստրացոց» (տե՛ս «Հովհանն Մամիկոնյան», Պատմութիւն Տարօնոյ, Երևան, 1941, էջ 46, 134):

ների մոտ: Այդ տեսակետից ուշադրության արժանի են Թովմա Արծրունու¹⁰ և մանավանդ Ստեփանոս Օրբելյանի հաղորդումները: «Գրիգորիոս հրամայեց Մեծին Տրդատայ,— դրում է Ստ. Օրբելյանը,— կարգել զթագավորութիւն իւր ըստ սահմանի կայսերացն Յունաց, և տալ ըստ իւրաքանչիւր պատշաճի դահ և պատիւ իշխանացն յաջմէ և յահեկէ: Որ և գեղեցկապես յօրթնեալ ի ժամ ճաշուն նստել բարձս 400 իշխանաց, որոց զահագլուխք՝ բղեշխն ՚Դուդարաց և իշխան Աղձնեաց, իշխանն Անգեղտան և իշխանն Կորդուաց, ասպետն Բագրատունի և իշխանն Արծրունեաց, իշխանն Սիւնեաց և իշխանն Մամիկոնէից: Սոքա էին զահագլուխք ամենայն իշխանացն հայոց: Իսկ զօրացն և աշխարհիս չորս միայն կացուցանէ իւրոց քաղաւորութեան Երկուրդ հրամանատարս ի վերայ ամենայնի: Արեւելեան կողմանն՝ իշխան Սիւնեաց 21 իշխանօք. հիւսիսային կողմանն՝ բղեշխն ՚Դուդարացոց 22 իշխանօք. Արեւմտեան կողմանն՝ Կորդուացին 21 իշխանօք. հարաւային կողմանն՝ իշխան Անգեղտանն 22 իշխանօք: Զայս այսպէս ի զահագլուխ իշխանացն հայոց զոր չեւոյզ գրեաց և սակաւ մի ցուցանէ Աղաթանգեղոսին և ներսեսին»¹¹:

Օրբելյանն իր այս տեղեկությունը, ինչպես ինքն է ասում, վերցրել է հայ նախարարների ու իշխանների ՚Դանկումակից, որը բարեբախտաբար, թեև որոշ թերություններով, հասել է մեզ: Պատմիչը հաստատում է այն փաստը, որ հայկական բանակի շորս ղորական խմբավորումների կամ զորավարությունների բաժանումը տեղի է ունեցել Տրդատ III-ի ժամանակ և որ ղորական այդ խմբավորումները գլխավորելու համար թագավորը նշանակել է հրամանատարներ-բղեշխներ կամ, ինչպես գրում է Օրբելյանը, «երկրորդ հրամանատարս ի վերայ ամենայնի»: Այսպիսով, մենք ունենք մի նոր փաստ, որ հաստատում է հորենացու վկայությունը Տրդատ III-ի զինվորական ռեֆորմի մասին: Օրբելյանը նաև լրացնում է հորենացուն, նշելով, որ ռեֆորմը Տրդատը իրականացրել է Հռոմեական կայսրության օրինակով (ըստ սահմանի կայսերացն Հունաց) և որ այն տեղի է ունեցել քրիստոնեությունը պետական կրոն հանաչելուց հետո:

Տրդատի զինվորական ռեֆորմը իր արտահայտությունն է գտել հայ նախարարների ու իշխանների ՚Դահնամակում, որը, ինչպես երևում է, ունեցել է երկու մաս. առաջին մասում արձանագրվել է քաղաքացիական իշխանության պաշտոնների և դահերի դասակարգումը, իսկ երկրորդում՝ զինվորականը¹²:

10 Թովմա Արծրունին, խոսելով Սմբատ թագավորի գործունեության մասին, գրում է. որ նա «պատիւ մարզպանութեան զահակալութեան հաւատացեալ ըստ կարգի բարձրաբնութեան թագաւորաց հայոց. մանավանդ Մեծի Տրդատայ» (տե՛ս «Թովմայ վարդապետի Արծրունույ Պատմութիւն տանն Արծրունեաց», Ս. Պետերբուրգ, 1887, III, գլ. ԻԴ):

11 «Ստեփանոսի Օրբելեան Պատմութիւն նահանգին Սիսականս, Թիֆլիս, 1911, էջ 24—25 (ընդգծումը մերն է — Ա. Դ.):

12 Որ այդ երկու մասերը կազմել են մի միասնական փաստաթուղթ՝ հայ նախարարների և իշխանների զահերի ու պատիվների մասին. երևում է Գահնամակի ներածականից: «Իմ Սահակայ խնդիր արարեալ ի դրան յԱրտաշէսի թագաւորի զոր ի հիսպոնն խաւսցեալ եթէ ես զլսմակաւն զնամա զոր Արտաշէսի ի դիւանին տեսի ի բաղոց ժ: Եւ Վոսմայ արքայի եւ բարերարի եւ գիր արարի եւ Սահակ կաթողիկոս թէ որպէս Զեր բարերարութիւնդ հրաման տացէ հայոց ազատաց եւ տանուտէրանց որպէս յառաջ առ հայոց ազգին, նոյնպէս և ի ձերում դիւանի շահհամարին առնել, որ յայսմ հետէ հայոց ազատաց եւ տանուտէրանց զահ ի յայտ լինէր: Նոյնպէս ներսէ հրամանաւ արքայից արքայի եւ եւ Սահակ հայոց կաթողիկոս կնքեցանք զգահնամակին եւ եղանք մատանի արքայից արքայի եւ զմերս. եւ է այսպէս արդար եւ ճշմարիտ»:

Այստեղ մեզ հետաքրքրում է Գահնամակի¹³ երկրորդ մասը, որը վերաբերում է զինվորական իշխանություններին և հայտնի է Զորանամակ անունով։ Ահա այդ մասը¹⁴։

Արեւմտեան դուռն		Արեւելեան դուռն	
1 Անգեղ տուն	Վն	1 Սիւնի	Ա՛ՔՆ
Բղեշխն Աղձնեաց	Տ	Ամասկոնի	Մ
Բըզնունական	Վ	Աւածացին	Մ
Մանաւազեան	Ռ	Վարձաւունի	Մ
5 Բադարատունի	Ռ	5 Տամբարացի	Ճ
Խորխոռունի	Ռ	Մազազացի	Ճ
Ծոփացի	Ռ	Յողկեպան	Ճ
Վահունի	Ռ	Դըզճունի	Ծ
Ապահունի	Ռ	Վառնունի	Ծ
10 Գնունի	Շ	10 Բաքան	Ծ
Բասենացի	Ո	Կճրունին	Ծ
Պալունի	Յ	Գուկանն	Ծ
Ընծաքին	Տ	Պատսպարունին	Ծ
Մանդակունի	Յ	Դազրիկան	Ծ
15 Սաղկունի	Յ	15 Վիժանունի	Ծ
Վարաժնունի	Յ	Զանդաղան	Ծ
Այծենական	Ճ	Սողացի	Ծ
Առունենեան	Յ	Աքածեցի	Ծ
Վարժնունեան	Ճ	Ասճշնեան	Ծ
Սպան(դ)ունի	Յ	Կինան	Ծ
21 Ռափսեան	Ճ	21 Տագրեան	Ծ

Հիւսիսային դուռն		Հարաւային դուռն	
1 Բղեշխն դուդարաց	ՏՇ	1 Կադմէացի	Ա՛ՎՄ
Կամսարական	Ո	Կորդուացի	Ռ
Կասսլեցի	Վ	Արծրունի	Ռ
Ուտէացի	Ռ	Ռըշտունի	Ռ
5 Մադէացի	Ռ	5 Մոկացի	Ռ
Տալեցի	Ռ	Գողթնեցի	Շ
Մամիկոնեանն	Ռ	Անձեացի	Շ
Վանանդացին	Ռ	Հարութեան	Ճ
Գարգմանեցին	Ռ	Տրպատունի	Ճ

13 Գահնամակը առաջին անգամ լուրջ կերպով ուսումնասիրել է Ն. Աղոնցը իր «Армения в эпоху Юстиниана» աշխատության մեջ, ուր տվել է այդ փաստաթղթի լավագույն ընթերցումը։ Իր ուսումնասիրության ընթացքում նա արել է մի շարք արժեքավոր գիտողություններ ու եզրակացություններ։ Աղոնցը Գահնամակը ուսումնասիրել է հայ նախարարների քանակը որոշելու տեսանկյունից և հենց այդ էլ կանխորոշել է նրա ուսումնասիրության բնույթը և ուղղությունը։

14 Տե՛ս Н. Адоиц, Եզփ. աշխ., էջ 251—252։

10	Որդունի	Չ	10.	Մեհնունի	Ճ
	Առուեղեանքն	Շ		Ակէացի	Յ
	Աշոցեան	Շ		Զարէհունեայ	Յ
	Դիմաքսեան	Չ		Ծր(ու)անթունի	Յ
	Դընթունի	Յ		Համաստունեան	Ճ
15	Բոխայեցի	Յ	15	Արտաշեսեան	Յ
	Դաբեղեան	Յ		Սագրատունի	Ճ
	Աբեղեան	Յ		Աբրահամեան	Ժ
	Հանունի	Յ		Տրունի	Յ
	Սահառունի	Յ		Բուժունի	Մ
20	Չեւեակեան	Յ	20	Քաջբերունի	Ճ
	Աշխաղարեան	Ճ		Բողունի	Ճ
22	Վարազարտիկեան	Ճ	22	Մուրացան	Յ

«...նւ զոմանս ի յայլ աշխարհս գրաւեալս. եւ լինի թիւ մարտիկ արանց որ ընդ ազգաւք ձգ-ից հազարաց թող զսպասաւորս դրանն արքունի՝ որ է ոստանդ որք ի պատերազմ ելանլին ընդ ալր/քայի եւ մարդպետական որէ ներքինի պահպան ի վերայ թագուհւոյն եւ զանձուցն եւ ընդ ամենայնն թիւ զօրացն հայոց՝ որէ հարիւր եւ քսան հազարաց»:

Բերված փաստաթուղթը, թեև սկզբից և վերջից ունի լուրջ վնասվածքներ, այնուամենայնիվ որոշակի պատկերացում է տալիս IV դարի Հայաստանի զինված ուժերի կառուցվածքի մասին: Նրանից երևում է, որ Տրդատ III-ի զինվորական ռեֆորմից հետո հին հայկական պետության զինված ուժերը կազմված էին չորս սահմանապահ և մեկ ներքին՝ արքունական կամ պալատական կանոնավոր բանակներից, որոնց շարքերում եղել է շուրջ 120 հազար հեծյալ մարտիկ: Դրանցից 80 հազարը կազմում էին սահմանապահ բանակները, իսկ 40 հազարը՝ ներքին, արքունական բանակը: Յուրաքանչյուր սահմանապահ բանակ բաղկացած է եղել 18—21 հազար մարտիկից, որոնք խմբավորված էին 21—22 ստորաբաժանումների կամ իշխանությունների մեջ: Բանակի ստորաբաժանումները գլխավորում էին իշխանները, որոնց հրամանատարություն տակ կար 4000, 3000, 1000, 600, 500, 300, 200, 100 և 50 հեծյալ մարտիկ: Զորականների քանակը, պետք է ենթադրել, որոշում էր հրամանատարների տեղը Արշակունիների պաշտոնների հիերարխիայում:

Հասկանալի է, որ մենք հնարավորություն չունենք ստուգելու փաստաթղթում բերված թվական տվյալները, բայց ինչպես նկատել է Ն. Ադոնցը¹⁵, նրանք հեռու չեն իրականությունից:

Տրդատ III-ի զինվորական ռեֆորմի հետևանքով ստեղծված հայկական բանակը, համեմատած բյուզանդականի (հետագայում՝ նաև պարսկականի) հետ, ուներ տեղական իր առանձնահատկությունները: Հայաստանը իր տերիտորիայով ավելի փոքր էր, քան Հռոմեական կայսրության չորս երկրամասերից որևէ մեկը: Դրա համար էլ հայկական կուսակալությունն ու բզեշխությունը իրենց կառուցվածքով տարբերվում էին ինչպես Հռոմեական կայսրու-

¹⁵ Տե՛ս Н. Адонц, *Узл. азт.*, էջ 286:

թյան պրեֆեկտուրայից և զինվորական մագիստրությունից, այնպես էլ պարսկական քուստակից և սպահնակային զինվորական իշխանությունների՝ իշխանների գլխավորությամբ, իսկ բյուզանդականը բաժանվում էր կոմսությունների, որ իր հերթին բաժանվում էր դքսությունների:

Հայկական բանակի մյուս առանձնահատկությունն այն էր, որ նրա կառուցվածքային ստորաբաժանումները՝ իշխանությունները, կազմակերպվեցին ըստ պատմականորեն ձևավորված վարչատեղիատրիալ բաժանման, որ բացասաբար պիտի ազդեր բանակի միասնության վրա:

Տրդատ III-ի զինվորական ռեֆորմի կարևոր մասը արքունական զորքերի կազմակերպումն էր: Հայկական զրավոր աղբյուրներում այդ զորքերը կոչվում են «գօրս յարհունի տանէ», «յարհունի տանէ ոստանիկ մարդիկ», «այրուծի յարհունի տանէ», «մարդպետական այրուծի» և այլն: Բոլոր դեպքերում էլ խոսքը վերաբերում է հին Հայաստանի ներքին, արհմեական, կամ պալատական զորհրդին:

Այն հարցը, թե երբ և ինչ նպատակով են կազմակերպվել արքունական զորագնդերը, դեռևս իր ժամանակին չբաղնացել է հորենացուն: Պատմիչը այդ զորամասերի կազմակերպումը վերագրում է Վաղարշակ թագավորին: «Եւ գունդս և պահապանս զրան արքունի պատրաստէ զչորսս,— գրում է նա,— զմի մի իւրաքանչիւր վառելովք ի նոյն հին զարմից թագաւորացն՝ որ ի Հայկայ, որ ընդ ժամանակս ժամանակս ժառանգութեան ի հարանց ստացեալ գեւդս և դաստակերտս: Իսկ աստ ուրեմն Պարսից թագաւորութեանն, որպէս լսեմ, յայլոց յարուցեալ գունդս և ոստան անուանել, ոչ գիտեմ թէ վասն սպառելոյ ազգին առաջնոյ, թէ վասն ընդդիմութեան իրիք լինելոյ շկապեալ և ի բաց ընկեցեալ զազգն, զայս ի տեղիս նոցա յարուցին գունդս անուամբ արքունի: Այլ առաջինն հաստատ ի զարմից թագաւորացն առաջնոց. որպէս և այժմ ի Վրաց աշխարհին, որ սեփօնուն կոչի»¹⁶:

Խորենացու այս հաղորդումը զրականության մեջ տարբեր կերպով է գնահատված: Ոմանք հենվելով դրա վրա այն կարծիքն են հայտնել, որ ոստանիկները ծագել են առասպելական Հայկի ու Տիգրանուհու սերունդներից: Սակայն դժվար չէ տեսնել, որ Խորենացու վերոհիշյալ հաղորդումը իրենից ներկայացնում է նահապետական ոգով մշակված հին ավանդություն: Ն. Ադոնցի կարծիքով, ոստանիկները իսկապես թագավորական ծագում ունեն, բայց նրանք ծագել են ոչ թե հին թագավորների՝ Հայկի կամ Տիգրանուհու, այլ բացառապես Արշակունիների սերնդից¹⁷:

Ակադ. Ն. Մանանդյանը գտնում է, որ Ադոնցի այս տեսակետը համոզիչ

¹⁶ Խորենացի, գ. 2, գլ. է, էջ 104—105: Ի դեպ, պետք է նկատել, որ բերված բազմաթիվ աշխարհարար թարգմանության մեջ սխալ է սպրդել. «Եվ արքունի զոռն չորս պահապան գունդ է նշանակում... Բուն հին թագավորների սերունդից... որոնք բուն ոստան էին կոչվում» (տե՛ս Մովսես Խորենացի, Հայոց պատմություն, թարգմ. Ստ. Մալխասյանի, Երևան, 1941, էջ 72): Գրաբարյան տեքստի առաջին նախադասության մեջ «բուն ոստան էին կոչվում» բառերը չկա: Ըստ Խորենացու, ոստան կոչված գունդը կազմակերպվել է հետագայում. «Իսկ աստ ուրեմն Պարսից թագաւորութեանն, որպէս լսեմ, յայլոց յարուցեալ գունդս և ոստան անուանել»:

¹⁷ Տե՛ս Н. А. Адоиц, նշվ. աշխ., էջ 478—479:

չէ¹⁸, և՛ իսկապես, անհնարին է պատկերացնել, որ Արշակունիները ունեցել են ալնքան արու ժառանգներ, որոնցից հնարավոր է եղել կազմել շուրջ 40 հազարանոց բանակ:

Վիճելի է ոստանիկների սոցիալական դրության և նրանց դասակարգային պատկանելության հարցը: Ըստ Հյուբշմանի ստուգաբանության, հայերեն «ոստան» տերմինը փոխ է առնված պհլ. *ostān* բառից և նշանակում է «արքունի երկիր կամ քաղաք»: Համապատասխանաբար Հյուբշմանը «ոստանիկ» բառը թարգմանում է արքունի կամ թագավորական երկրից ծագած ազնվական կամ զորական¹⁹:

Ըստ Ն. Աղոնցի ոստան նշանակում է դուռ (*двор*), տառացիորեն՝ շեմ: Նրա ասելով, ոստանը համընկնում է Արևմտյան Եվրոպայի սենյորական *curtis dominicalis*-ի հետ: Աղոնցի կարծիքով ոստանը նախարարական տիրակալության կենտրոնն էր, նախարարների աթոռանիստ վայրը: Ի տարբերություն նախարարների տիրակալությունների, Արշակունիների դոմենները կոչվում էին արքունի տուն, արքունի ոստան²⁰: Եվ որովհետև, ըստ Ն. Աղոնցի, ոստան նշանակում է դուռ (*двор*), հետևաբար ոստանիկ նշանակում է ազնվական և համընկնում է ռուսական ազնվականության (*дворянство*) հետ²¹:

Ակադ. Հ. Մանանդյանը²², համամիտ լինելով Հյուբշմանի կարծիքին, գտնում է, որ «ոստան» բառը համապատասխանում է պհլ. *ostān* բառին, նշանակում է «արքունիքին պատկանող երկիր»: Իսկ «ոստանիկները» արքունական կամ թագավորական երկրից ծագող ազնվականները կամ զորագնդերն էին:

Ա. Փերիխանյանը իր «Հին հայկական ոստանիկները» հոդվածում²³ Հյուբշմանի և Մանանդյանի «ոստան» տերմինի մեկնաբանությունը որպես արքունական կալված (տիրույթ) համարում է ձիշտ: Վկայակոչելով իրանապարթևական որոշ աղբյուրներ, նա գրում է, որ ոստան բառը իրանում (որտեղից նա անցել է Հայաստան) գործածվել է ոչ միայն պալատի, թագավորական աթոռանիստ վայրի իմաստով, այլև նշանակում էր թագավորական երկիր, մարդ, պրովինցիա, թագավորական տնտեսություն և ընդհանրապես կենտրոնական վարչություն²⁴: Ինչ վերաբերում է ոստանիկներին, ապա, նրա կարծիքով, դրանք եղել են «ազատ հողատերեր», բնակվում էին արքունիքի կալվածներում և իրենց հողակտորների դիմաց պարտավոր էին ռազմական ծառայություն կատարել: Ոստանիկ, գրում է Փերիխանյանը, տառացիորեն նշանակում է «պալատական, արքունի»: Այդ կարգի մարդիկ արքունի երկրում ունեին գյուղեր ու դաստակերտներ: Ոստանիկները, շարունակում է հեղինակը, «եղել են

18 Տե՛ս Հ. Մանանդյան, Քննական տեսություն հայ ժողովրդի պատմության, հատ. Բ, մասն Ա, էջ 339:

19 Տե՛ս H. Hübschman, Armen. Grammatik, էջ 215:

20 Տե՛ս Н. Адонц, նշվ. աշխ., էջ 463:

21 Նույն տեղում, էջ 476—477:

22 Տե՛ս Հ. Մանանդյան, Քննական տեսություն հայ ժողովրդի պատմության, հատ. Բ, մասն Ա, էջ 338:

23 Տե՛ս «Вестник древней истории», 1956, № 2, էջ 44—68:

24 Նույն տեղում, էջ 47:

տիրապետող դասակարգի ներկայացուցիչները», թագավորական երկրում նրանց տրված կալվածները համարվում էին «պայմանական ժառանգական»²⁵:

Մեր կարծիքով, հայկական մատենագրական աղբյուրներից երևում է, որ ոստաներ արևունի տունն է. կամ արևունի երկիրը, իսկ ոստանիկները արևունի բանակի մարտիկներն են: Սկզբնաղբյուրներում արժանահավատ տվյալներ չկան պնդելու, որ III—IV դդ. հին Հայաստանի արքունի երկրում ոստանիկները ունեցել են կալվածներ, գյուղեր ու դաստակերտներ: Ոստանիկների ապնվական լինելու մասին մեր կարծիքով սխալ եղրակացությունը բխում է այն զուտ արտաքին, ձևական համեմատությունից, որ գիտնականները անց են կացնում հին Հայաստանի ոստանիկների, «այլ ազատների» և միջնադարյան Եվրոպայի ասպետների (գերմանական Ritter-ների ու ֆրանսիական chevalier-ների) ու ոռոսական дворянин-ների միջև:

Այստեղ մենք հնարավորություն չունենք հանդամանորեն քննարկել մեզ հետաքրքրող ժամանակաշրջանի հայկական բանակի անձնակազմի սոցիալական և իրավական վիճակի հարցերը: Սկզբնաղբյուրներից հայտնի է, որ՝

1) այդ բանակը հիմնականում կազմվում էր գյուղացիներից և քաղաքի հասարակ ժողովրդից, 2) ստորին հոգևորականությունը՝ քահանաները, երեցները, սարկավազները և այլն, եկեղեցական կանոնների խախտման դեպքում զրկվում էին եկեղեցականի կաշումից և պարտավոր էին ծառայել բանակում ու պետությանը հարկ վճարել²⁶, 3) Տրդատ III-ի զինվորական ռեֆորմից հետո Հայաստանում կազմակերպվեց մշտական գործող կանոնավոր բանակ: Գոյություն ունեին հատուկ զինվորական ճամբարներ, զորանոցներ, որտեղ զորականները անցնում էին զինվորական ծառայության: Օրինակ, Շահապիվանը եղել է արքունական բանակի զորանոցը²⁷, 4) հայկական բանակը ինչպես Արշակունիների²⁸ ժամանակ, այնպես էլ բյուզանդական²⁹ ու պարսկական տիրապետության օրոք քոչակավորվում էր պետության կողմից³⁰, 5) հին Հայաստանի զորականները («ոստանիկ մարդիկ» և «այլ ազատ մարդիկ») իրենց հիմնական մասով շինականներ-գյուղացիներ էին, նրանք հարկ էին վճարում

²⁵ Նույն տեղում, էջ 57—58:

²⁶ «Եթէ կնաւոր երէց գոցի պղծութեան եւ ի պոռնկութեան կամ ալլ զործս չարեաց եւ ստուգեալ վկայիւր՝ քահանայութիւնն լուծցի եւ եկեղեցւոյ րաժնէ հեռացեալ լիցի 3 (300) զրամ տուգանս տացէ... եթէ երէց եւ եթէ սարգաւազ կանոն ալլ կացցէ եւ նորա ի կարդ զինուորութեան կացցեն եւ ի հարկս արքունի... (տե՛ս «Կանոնագիրք հայոց». Ա, աշխատասիր. Վ. Հակոբյանի. Երևան, 1964, էջ 430—431): «Եւ երկականայք... րնդ զինուորս կացցէն... նոյնպէս եւ տգետք... վասն անուսումնութեանն րնդ զինուորս կացցեն եւ զհայրենի հող եւ ջուր եալցին եւ յարքունիս հարկ տացեն» (նույն տեղում, էջ 480):

²⁷ «Եւ էր բանակ թաղաւորին ի Շահապիվանի ի րուն բանակի տեղսն Արշակունեացն ի ներքոյ Սիսեանց եւ ի վերայ ասպարիսացն» (տե՛ս Փափստոս, V, գլ. ԺԵ, էջ 99):

²⁸ «Ապա Մուշեղ որդի Վասակայ... րնտրեաց իւր արս րնտիրս միամիտս ազատս ազգայինս բառասուն հազար, միարանս եւ կազմեաց զնոսա ձիով եւ քոչակալով եւ զինու...» (Փափստոս, V, գլ. Բ, էջ 158):

²⁹ «Խորհրդ (Մուշեղ) դամենայն ազատս հայոց կայսերական քոչակոյժն զինուորել... եւ թաղաւորն Յունեաց յանձին ունեւ մեծաւ խնդութեամբ առնել զայս» (Փափստոս, V, գլ. ԼԴ, էջ 198):

³⁰ «Եւ գիտեալ ոռնիկսն կարգէր անդրէն իւրաբանչիւր» (Եղիշէ, էջ 122). «Կարգեաց նոցա ոռնիկ. եւ զպատրաստութիւն սպառազինութեանն հրամայեաց յարբունիստ» (նույն տեղում, էջ 286):

պետությունը, կատարում էին պարհակներ պետության օգտին և ծառայում էին բանակում:

Հարց է ծագում, ե՞րբ է կազմակերպվել Արշակունիների արքունական բանակը, ոստանիկների զորագնդերը: Պետք է ասել, որ աղբյուրներում այդ մասին ուղղակի տվյալներ չկան: Կարելի է ենթադրել, որ այդ զորամասերը ձևավորվել են Տրդատ III-ի գինվորական ուժերում: Այդ ենթադրության համար հիմք է հանդիսանում հորենացու վերոհիշյալ հաղորդումը այն մասին, թե հին հայկական պետության զարգացման սկզբնական շրջանում գոյություն են ունեցել թագավորական զինքեր, որոնք հետագայում ենթարկվել են վերափոխման. նրանց տեղը ստեղծվել են ուրիշ զինքեր՝ «ոստան» կամ «արքունի» անվամբ:

Հայտնի է, որ նախքան Տրդատ III-ի գինվորական ուժերը Հայաստանում գոյություն է ունեցել լավ սպառազինված զվարդիա: Այն պահպան զինքերը, որոնց մասին խոսում է հորենացին, ըստ էության հին Հայաստանի հենց այդ թագավորական զվարդիան էր, որը Փավստոսի մոտ կրում է «մատենիկ դունդ»³¹ անունը: Պատմիչը գրում է, որ երբ հոսրովը (Կոտակը) լուր է ստանում, թե պարսից զորքերը պատրաստվում են պատերազմի, հրաման է տալիս Բզնունյաց Դատաբե նահապետին՝ «գուգազ հանել յաշխարհէ աւելի քան զչալին և զհամար զօրսն մատենիկ գնդան ընդ առաջ նոցա խաղալ հասանել ի դիմի հաւկանել, արգելուլ զթշնամիսն»³²: Այստեղ կարևորն այն է, որ պատմիչի հաղորդման համաձայն հին Հայաստանում գոյություն են ունեցել երկու տեսակ զորազինքեր՝ կանոնավոր զորամասեր. «մատենիկ դունդ», որը, ինչպես երևում է, բազմաբանակ չի եղել, և ոչ կանոնավոր զորամասեր. որոնք կազմավորվում էին միայն պատերազմի ժամանակ («գուգազ հանել»): Բայց, ինչպես ասվեց վերևում, հասարակական զարգացման նոր պայմաններում, ստրկատիրական հասարակարգի ձգնաժամի պայմաններում, ռազմական ուժերի այդ տեսակները չէին կարող ասպնջվել պետության սահմանների պաշտպանությունը արտաքին թշնամիներից և երկրի ներքին միասնությունը: Այդ պատճառով Հայաստանում մինչև այդ գոյություն ունեցող ռազմական կառուցվածքը ենթարկվեց լուրջ փոփոխության. Տրդատ III-ը, ինչպես տեսանք, ստեղծում է կանոնավոր բանակներ և տեղավորում է դրանք երկրի արևելյան, արևմտյան, հյուսիսային և հարավային սահմանամերձ շրջաններում: Բացի դրանից, մեծ վստահությամբ կարելի է ասել, որ նա արմատապես վերակառուցում է «մատենիկ դունդը», նրա փոխարեն ստեղծելով 40 հազա-

31 Ն. Ա. Արզումանյանի «Հայկական սկզբնաղբյուրներում հիշատակվող «մատենիկ դունդ» զորամասը» խորագրով հոդվածում (տե՛ս «Պատմա-բանասիրական հանդես», 1973, № 2, էջ 154—162) հեղինակը գտնում է, որ Սասանյան Պարսկաստանում և հին Հայաստանում գոյություն ունեին հատուկ, բնակիչ զորագնդեր, որոնք նդիշի ու Փավստոսի մոտ կոչվում են «մատենիկ դունդ», «մատենիկ գունդ»: Պետք է համաձայնվել հեղինակի հետ և համարել սխալ այն կարծիքը, որի համաձայն Արեմենյան Պարսկաստանի «Անմահների գունդը» և Սասանյանների «մատենիկ դունդը» կազմավորման ու համալրման նույնանման սկզբունքներ են ունեցել: Այսուհանդերձ չի կարելի չեղարկել, որ Ն. Ա. Արզումանյանի հոդվածում չկա «մատենիկ գնդի» բնութագրությունը, այսինքն հեղինակը չի պարզաբանել այն հարցը, թե ինչպիսի զորամաս էր դա, կանոնավոր թե անկանոն, ով էր նրան ասպնջում զենքով, պարենով, ձիերով, սարքով և այլն: Հեղինակն իր ուշադրությունը կենտրոնացրել է միայն «մատենիկ» բառի բացատրության վրա:

32 Փավստոս, III, գլ. Ը, էջ 17:

րանոց պալատական կամ արքունական բանակ³³, որը կոչված էր ապահովելու երկրի ներքին միասնությունը: Այդ զորամասերը գտնվում էին թագավորի և արքունիքի կառավարիչ՝ մարդպետի անմիջական հրամանատարության տակ: Դրա համար էլ նրանք երբեմն կոչվում են «մարդպետական»:

ВОЕННАЯ РЕФОРМА ТИРИДАТА III

Доктор юридич. наук А. М. ДАНИЕЛЯН

(Резюме)

Военная реформа Тиридата III (298—330) является частью тех преобразований, которые были осуществлены им в государственном строе древней Армении, и провозглашалась на тех же началах, что и реформа Диоклетиана (284—306) и Константина (306—337) в военном строе римско-византийской империи. Тиридат III разделил страну на четыре области или края, во главе которых поставил правителей — кусакалов. На этой основе военную власть он отделил от гражданской. В целях защиты границ государства Тиридат III образовал четыре пограничные регулярные армии, назначил военачальников-бдешхов, или спарпетов, которым подчинил местные военные власти. Царскую гвардию («матеник гунд») он реорганизовал в дворцовую армию, которая в источниках именуется «войском из царского дома» или «останскими людьми из царского дома».

³³ «Գումարէր զօրսն ամենայն տանցն աւագանոյն ընդ զօրսն արհունի» (Փալստոս, դպր., գլ. Ը). «սոյնպէս և զօրն արհունի յիւրաքանչիւր տունս... զազարել էին» (նույն տեղում, գլ. Գ). «Գունդ կաղմէր ի Հայոց մեծաց զազատ և զազատորդի, և յարհունի տանէ ռոստանիկ մարդիկ» (Նղիշէ, I, էջ 17). «Բազում և այլ այրուծի՝ որ յարհունի տանէ անտի էր» (նույն տեղում, էջ 106). «Բազում և այլ ազատ մարդիկ, որ ոստանիկսն անուանեն՝ յարհունի տանէ» (նույն տեղում, էջ 133). «Եւ այլ գունդք ի զօրացն մարդպետական այրուծիս» (ՏՂազարայ Փարպեցոյ Պատմութիւն Հայոց, Թիֆլիս, 1908, էջ 135). «Վահան Մամիկոնեան լոկ թուով նախարարոյ և սակաւ այրուծիով ի յոստանդ» (նույն տեղում, էջ 317). «Նախարարք և ազատք և այլք յոստանիկ մարդկանէ» (նույն տեղում, էջ 376) և այլն: